



საქართველოს მეცნიერებათა ეროვნული აკადემია

ქართული ენციკლოპედიის ი. აბაშიძის სახელობის მთავარი სამეცნიერო რედაქცია

არყის სოკო

არყის სოკო (*Piptoporus betulinus*), სახეობა აბედა სოკოების ოჯახისა. მისი ნაყოფსხეული ერთწლიანია, 20 სმ-მდე დიამეტრის. ბალიშის ან ცხენის ჩლიქის ფორმისა, ზოგჯერ წაგრძელებული. ჯერ მოთეთრო, შემდეგ მოყვითალო ღია მურა ფერამდე. ქვედა მხარეს მრგვალი მილები შრე აქვს. იზრდება მხოლოდ არყის ხეზე ზაფხულ-შემოდგომით. საქართველოში ყველგან არის გავრცელებული ტყის ზედა საზღვარზე. გამხმარი ნაყოფსხეულის რბილობი კორპისებრია. ძველად საქართველოში მისგან სათამაშო ბურთებს თლიდნენ. საჭმელად უვარგისია.

ი. ნახუცრიშვილი
